

## SOO-JEEDIN WAX KA BEDDELID: Waxa lagu sameeyo Waraaqahan Maxkamadda

Halkan waxa ku yaalla dhawr talo oo ku saabsan sida loo buuxiyo waraaqaha:

- Markasta isticmaal magacyadaada sharci oo buuxa, ma aha naaneysyo.
- Teebgaree ama ku qor xuruuf kala go'an oo nidaamsan. Haddii ad gali kartid internetka, waxa ad awoodi kartaa inad waraaqaha ka buuxisid internetka barta ah [www.ptla.org/forms.htm](http://www.ptla.org/forms.htm)
- Waxa ad waraaq kasta ka xereyn doontaa Maxkamadda. Kahor inta aanad taas sameyn, ugu yaraan ka sameyso laba nuqul ama koobi waraaqaha ad buuxisay—mid ad ugu talogashay naftaada iyo mid ad ugu talogashay qofka kale. Waxad u baahan doontaa meel ad ka sameysatid koobiyo (sida laybareeri). Karaaniga maxkamaddu kuuma sameyn karo koobiyo.
- Haddii mid ka mid ah ilmaha ku jira kiiskan qaato (ama qaatay) AFDC, TANF ama Medicaid, koobi dheeraad ah ka sameyso waraaqahaaga maxkamadda oo boostada ugu dir Wasaaradda Adeegyada Bini'aadanka. Adreesku wuxu ku yaalaa waraaqda dacwadda. Sidoo kale waa inad tan sameysid haddii ad DHHS weydiisatay inay kuu soo ururiso taageerada ilmaha.

### **TALLAABADA KOOBAAD: Buuxi Waraaqaha**

#### **Soo-jeedin Fulin**

Qayta ugu sareysa waraaqdan waxa la yidhaahdaa “madaxa waraaqda.” Fiiri madaxa waraaqda ee Amarka Maxkamadda ee asal ah oo ka qoro goobta maxkamadda, lambarka galka maxkamadda iyo magaca Dacweeyaha iyo La-dacweeyaha. (Macluumaadkani isma beddelayo. Haddii ad

markii hore ahayd La-dacweeye, waxad wali tahay La-dacweeyaha, xiitaa haddii ad tahay qofka xereysanaya Soo-jeedinta hadda.) Haddii aanad heli karin amarkii asal ahaa, waxad nuqul ama koobi ka iibsana kartaa karaaniga.

Haddii ad isku dayaysid inad fulisid **kaliya** qaddarka taageerada ilmaha, calaamadee sanduuqa ka hooseeya ereyada “Soo-jeedin Fulin” oo buuxinta ka hadhsan waraaqda.

### **Caddeyn Taageero Ilmo, Waraaqda FM-050 ayaa**

La rabaa marka arrinku yahay taageero ilmo.

“Madaxa waraaqda” u buuxi isla sidii ad u buuxisay waraaqda **Soo-jeedinta**. Buuxi inta ka hadhsan waraaqda adiga oo adeegsanayaa oggaanshahaaga ugu fiican. U fiirso inad qortid **dakhliga la shaqeystay ee sannadkii hore** iyo **dakhliga la filayo in la shaqeysto sannadkan** adiga oo gooni ugu kala hoos qoraya #1. Sidoo kale u fiirso inad **dakhli kale** gooni ugu qortid hoosta #2 iyo inad **dakhliga ah maadi** ku hoos qortid #3. Waxad u baahan kartaa inad ka fiirisid diiwaanadaada, haddii ad haysatid, si ad u heshid macluumaad dhaqaale. Waa inad waraaqdan ku hor saxeexid Nootaayo Dadweyne. Waxa ad qof Nootaayo ah ka heli kartaa bangi, xafiis adeegyo sharci, xafiiska magaaladaada, ama xafiiska karaaniga maxkamadda.

Kadib marka qofka kale helo **Soo-jeedintaada**, waxay Maxkamaddu weydiin doontaa isaga/iyada inu buuxiyo isla waraaqdaas dhaqaale oo kuu soo diro koobi.

### **TALLAABADA LABAAAD: Gacanta ka Saar Waraaqaha**

Hadda waa inad koobiyo siisid dhinaca kale. Waxa tan la yidhaahdaa “gacan ka saarista” waraaqaha

maxkamadda. Xeerarka Maxkamaddu waxay leeyihiin waxad tan u sameyn kartaa mid ka mid ah saddex siyaabood. Waxad ku diri kartaa boostada, adiga oo qofka ad is qabtaan weydiisanaya inu oggolaado “gacan ka saarista.” Ama waxad koobiyada ku diri kartaa boostada la xaqiijiyada (certified mail). Waxad lacag siin kartaa sheriff-ka si u dhinaca kale u siiyo koobiyada.

### **Gacan ka Saaris ah Boostada Caadi ah**

Boostada ugu dir ama gacanta ka sii waraaqahan qofka kale:

- Koobi ah **Soo-jeedin Fulin**
- Koobi ah **Caddeyn Taageero Ilmo**
- Laba koobi oo ah **Qirasho Helitaan** (kadib marka ad madaxa waraaqda u buuxisay labada koobi)
- Gal leh shaambad iyo adreeska laguugu soo celinayo.

**Qirashada Helitaanku** waxay qofka kale weydiisanaysaa inu saxeexo, si loo muujiyo inu helay ama heshay waraaqaha, iyo in waraaqda qirashada ee la saxeexay lagu soo celiyo 20 maalmood gudahood.

Haddii ad waraaqda **Qirashada** dib u heshid 20 maalmood gudahood, tag Tallaabada 3. Haddii aanad helin, kadib markaas waxad u baahan doontaa inad waraaqaha gacanta uga saartid hab kale.

### **Gacan ka Saaris ah Boostada la Xaqiijiyay (Certified Mail), U-geyn Xaddeysan (Restricted Delivery)**

Waraaqahan u qaado xafiiska boostada adiga oo wata gal:

- Koobi ah Soo-jeedin Fulin

- Koobi ah Caddeynta Taageero Ilmo

U sheeg karaaniga boostada inad rabtid inad waraaqaha ku dirtid boostada xaqiiqsan. U hubso inad weydiisatid “**Soo-celin Helitaan**” (Return Receipt) iyo “**U-geyn Xaddeysan**” (Restricted Delivery). Tan waxa kaaga baxaya kharash dheeraad ah waxana ku jira dhawr tallaabo oo dheeraad ah. Waaraaqo la buuxinayo iyo gargaar ka raadso xafiiskaaga boostada. Kaadhka cagaaran ee ad ka heshid boostada ka xereyso karaaniga maxkamadda si ad u cadeysid in waraaqaha la helay oo qofka kale helay.

#### **Gacan ka Saaris la Adeegsanayo Sheriff-ka**

Boostada ugu dir ama gee xafiiska sheriff-ka ee degmadaada:

- Asalka iyo hal koobi oo ah **Soo-jeedin Fulin**
- Koobi ah **Caddeynta Taageerada Ilmaha**

Waraaq u dir, ama qof ahaan ugu tag, oo weydiiso xafiiska sheriff-ka in waraaqaha gacanta laga saaro qofka kale. Bixi adreeska guriga ee qofka kale. Haddii ad u maleynaysid inay dhib noqon doonto in qofka kale laga helo guriga, bixi adreeska shaqada ee qofka kale. Ku-xigeenka sheriff-ka ee waraaqaha “gacanta ka saaraya” qofka kale ayaa buuxin doona bogga 3 ee **Soo-jeedinta** oo asalka kuu soo celin doona.

#### **TALLAABADA SADDEXAAD: Xereyso Waraaqaha**

Buuxi **Xaashida Koobitaanka ee Arrinka Qoyska ee Qarsoodi ah**, kaasoo leh fariimo u gaar ah. Karaanigu ma aqbali doono waraaqaha ad xereysanaysid xaashidan la’aanteed.

Gacanta uga gee ama boostada ugu dir karaaniga maxkamadda **waraaqahan oo asal ah:**

- **Xaashida Koobitaanka**
- **Soo-jeedin Fulin** (oo leh saxeexa ku-xigeenka sheriff-ka haddii ad isticmaashay xafiiska sheriff-ka)
- **Qirasho Helitaan** (Haddii ad isticmaashay gacan ka saaris ah boostada caadi ah)
- **Kaadhka Cagaaran** (haddii ad isticmaashay boostada xaqiiqsan)
- **Caddeyn Taageero Ilmo, Waraaqda FM-050 (haddii arrintu tahay kaliya taageero ilmo)**

Haddii kani yahay kaliya Soo-jeedin Fulin, ma jiro kharash ah xereynta, haddii kale, Maxkamaddu waxay qaadaa lacag ama ujro si loo xereeyo waraaqahaaga. Haddii aanad iska bixin karin lacagta maxkamaddu qaado, waxad karaaniga weydiisan kartaa waraaqaha la yidhaahdo **Codsi in la Galo Hawsha Iyada oo Aan la Bixin Lacag (CV-067) iyo Caddeyn Saboolnimo (CR-032)**. Buuxi waraaqahaas oo ku hor saxeex Nootaayo Dadweyne. Kadibna waraaqaha ka xereyso karaaniga. Garsoore ayaa fiirin doonaa macluumaadkaaga dhaqaale oo go’aamin doona inu kuu banaan yahay “ka dhaafid lacag.” Haddii ka dhaafidda la diiddo, **waa inad lacagta ku bixisid 7 maalmood gudahood**. Haddii ka dhaafidda lagu oggolaado, lagaama rabo inad bixisid qayb ama dhammaan kharashyada maxkamadda.

#### **TALLAABADA AFRAAD: Fiirin & dhegaysi**

Kadib marka la fiiriyo soo-jeedintaada, Garsoore ayaa amri doona tallaabooyinka ku xiga ee kiiskaaga. Kadib karaaniga ayaa jadwalka galin doona kiiskaaga. Waxad amarka Garsooraha iyo ogeysiiska dhegaysigaaga/dhexdhexaadinta ku heli doontaa boostada caadiga ah. Haddii lagugu amro inad timaadid dhexdhexaadin, waxa lagaa rabi doonaa inad bixisid dhammaan ama qayb ah kharashka dhexdhexaadinta.

#### **ADEEGYO GARGAAR LEH**

**Fiidiyow:** Maxkamaddu waxay leedahay fiidiyow sharaxaya habka maxkamadda ee wax looga beddelo ama loo fuliyo xukun.

**Dhexdhexaadin:** Waxa laga yaabaa in dhexdhexaadiye awoodo inu adiga iyo qofka kale ka caawiyo inad gaadhaan heshiis ku saabsan arrimaha la xidhiidha kiiskaaga. Maxkamaddu waxay leedahay fiidiyow sharaxaya waxa dhexdhexaadintu tahay. Dhexdhexaadinta waxa soo diyaarin kara maxkamadda ama dhexdhexaadiye gaar ah.

**Waxbarasho waalid:** Barnaamij waxbarasho waalid oo si gaar ah loogu qorsheeyay waalidka is furaya ama kala guuraya ayaa laga yaabaa inay idinka caawiso inad diiradda saartaan baahiyaha carruurtiina.

Si ad u heshid macluumaad dheeraad ah oo ku saabsan adeegyadan, la hadal karaaniga maxkamadda.